



Grupo Rimiko: Zebe
Charlton Juliana
Charlton Juliana



Bin yudami ranké

Yelrish Nicolaas

E raís di wabi

Tur ta konopa

Nos konosementu nan

ta nos fundeshi

Kudjamele 2x

Kòrsou ranké 2x

Ranké 5x

bo tinku ranké

tinku ranké!

yudami ranké

nos tinku ranké

Ha!

Ha!

Ha!

Ta yoatina mi a Sali, kargá ku eksperensia

K'un kurason humilde pa stimulá nos kultura

Si nos raís ta fuerte shon nan, niun bientu no por kibr'é palu

Nos palu ta nos kultura,

Dun'é much'un chapí

Dun'é much'un tobo

Sali supl'e kachu kune

Un bon fiesta di seú, mester di su

Hooo nos ta pidi Djo

Ai nos a kosecha awe

ban fortalese fo'i na su raís

siñé kimin'é

siñé ronké

siñ'é histori'e nos seú

barí ku chapí

Djo ta duna

e fruta ku mama a planta ayera



Si mama a plant'é ku fé
Pero tur dia unt'e mesun dia nò
Por tin momentunan difisil den bo bida
Ku ta ponebu **realisa**
ta ku pasenshi ta gana gloria
Tronkon di bida ta bira fuerte
Ta nos raís ta nos forsa
Engrandesiendo nos kultura shonnan,

nos tera ta hari
prepara
duru

awe lucha, mañan viktoria
or'e kai i superá
ban konopa konosementu
den march'i Seú

Ai ata nos a topa
Seú tei sera
E raís di wabi
Tur ta konopa
Zona mi tobo
Pe marcha kana
Haii zona mi chapiii
Chapi ta pe rítmo sera
Heee Yudami ranké
Nos tinku ranke shonnan
Ta Kultur'i kòrsou
Nos tinku bib'é
Ai tur mi grandi nan
Ban Konopa ne muchanan
Ban ne fundeshi ban

yudami ranké
tinku ranké
yudami ranké
yudami ranké
yudami ranké
yudami ranké
yudami ranké
yudami ranké
yudami ranké
yudami ranké
yudami ranké
yudami ranké
yudami ranké



Nos tinku kuminsa einan

yudami ranké

E Forsa di nos pueblo ta n'e raís

E fors'i nos kultura ta n'e raís. Bo tinku ranké

For di su fundeshi

bo tinku ranké

Rank'é ku forsa

bo tinku ranké

P'e mucha krese

bo tinku ranké

Rank'é, Rank'é lanté

ranké lanté

At'e raís a kòrta tera

ranké lanté

Kultura a bin ariba

ranké lanté (kultura)

P'e marcha di Seú por krese

ranké lanté (kultura)

Pa mentalidat di e yu di tera hecha

ban ranké

Ai ban pa nos ban

ban ranké

Tur hende buta man

ban ranké

Huntu nos ta ban

ban ranké

Un, dos, tres, ranka

H

Ranké ku forsa, ranké

H

Sak den pia ranké

H

Ta ku fé ta ranké

H

hooo nos ke wak kulura

ranka bin

Disiplina

ranka bin

Nos ke wak union

ranka bin

Pas i harmonia

bin ariba,ariba,ariba,ariba.



Splikashon:

Kudjamele ta un ekspreshon di antes den kunuku, usá ora ta buta forsa pa ranka entre otro raís. “H” i “Ha” tabata e sonidonan ku ta Sali espontanio ora un hende ta hasi e esfuerso aki.

Ku e tema aki nos ke bai bèk na nos raís i trese nos herensia kultural dilanti. Nos ta pidi pueblo pa hinka muchanan for di chiki den kultura, por ehèmpel ku un **barí, chapi òf kachu**.

Meskos ku e raís di wabi ta konopa pa bira fuerte, nos tambe mester habrí kaminda pa laga nos muchanan konopa den nan mes raís kultural.